

摘藻堂四庫全書薈要

集部

欽定四庫全書薈要

集部

皇清文穎卷首二十一

詳校官候選知縣臣吳甸華



欽定四庫全書薈要卷一萬九千三百九十八

集部

皇清文穎卷首二十一

御製詩

言古詩

銅鼓歌

雍正庚戌秋九月廣西撫臣金鉷進銅鼓一云民間  
墾田所得名諸葛鼓相傳諸葛亮以鼓鎮蠻云因歌  
以紀之

赤帝失御火不燔冠以苴履翻坤乾靖王後裔英且賢  
慨然奮義振中原南陽之數卧龍蟠下車三顧意何虔  
龍飛雲路見在田君臣相得魚水歡東使吳會騁辨言  
八十萬衆成灰烟西入益州奠本根鼎足峙立固且完  
永安宮裏龍髯攀調和宮府整而閑命師南指定獍頑  
七擒七縱服諸蠻鑄銅成鼓永鎮旃風雨侵蝕年復年  
數易時代陵谷遷下巢蚯蚓鄰黃泉照臨無復資魄淵  
濡潤還沾雨露偏宗鼎貫鼎增爛斑獨於厚地全其天



由來奇物終播宣一朝光氣騰荒阡施厥畚鍤瓦礫翻  
有聲鞀鞀非絲絃宛然銅鼓形不刊洗剔苔蘚光澤鮮  
驚看老幼何喧闐大吏表進

九重前為陳檀案撤包氊聚觀羣下充庭軒試加擊伐  
聲哼哼大鵬搏風長鯨噴上有四蛤猗猗蹲旁有雙耳  
綬色緼龜紋虬篆隱隱存覆之黃縑加束純方今

舜目闢四門兩間並獻貞符繁不誇寶鼎出河汾詎數  
劒氣冲斗躔我聞置鼓召諫臣訪察民隱牧元元此應

其兆無乃然坐見讜議日聯翩鏞鐘大叩張宮懸

讀司馬溫公諫院題名記

豐碑聳立高尋尺銀鉤鐵畫生光澤累累若若同時榮  
莫混賢姦一片石天風凜烈護剛堅表列生平勝竹帛  
他年元祐鉤黨臣義形石工傳安民豈知後世翻寶愛  
幾與諫院題名鄰君不見山可礪兮河可帶桑田滄海  
還相代此名一留不復敗

自鳴鐘

扶桑日出海門紅大秦西洋颺景風懸橦度索底貢同  
於皇聲教敷天通梯航山海來朝宗厥獻奇物自鳴鐘  
銅輪鐵絃凡幾重機軸循環運其中應時滴響聲卷容  
挈壺無所施其功精巧絕倫疑鬼工倭班流汗難追踪  
異哉茲物無始終週歷晝夜春與冬懸置几上勝金鏞  
晚報日昃曉嶠東我聞寶賢寶物雖不同咸賓亦足效  
球共考時定律佐三農此鐘之利貽無窮

題宋宣和清明上河圖用駱賓王帝京篇韻

大禹敷水土導河過龍門  
潏決萬里間卓為羣瀆尊流  
經積石走函谷東過洛汭繞甸服土中自古稱洛都襟  
帶山河雄地軸維昔宣和全盛時寒食初過一百六淡  
烟輕雨清明天踏青歲歲侈華屋華屋朱樓金闕隈千  
門萬戶天邊開飛花香滿宜春苑稱觴獻壽栢梁臺佩  
響千官入山呼萬乘來簪裾艷文藻雲漢儼昭回梯航  
萬里至輻輳日中市綺縠揚袂袞連袂如雲起柳陰暗  
沙堤花光明御水寶蓋蔡京車高牙童貫里中樞甲第

起崇墉相國高堂列鼓鐘  
道君禮樂三千盛  
屬國山川

百二重春入上林  
迎旭日雲開水殿躍飛龍  
龍樓鳳閣相輝映  
山城鼓吹春遊盛  
春遊處處多貴臣  
青驄駟車鄰鄰  
明月樓中邀上客  
紫薇花下宴嘉賓  
滿堂珠履珍羞錯  
從容款曲金蘭親  
斜陽返照天欲暮  
汴水橋邊車馬度  
橋邊街市何喧闐  
萬貨千商夾道路  
路旁桃李紛芳菲  
遊人雜遝白馬肥  
朝催玉勒花間去  
暮拂金鞭柳岸歸  
頗厭錦繡服新裁  
白紵衣劇孟風未峻  
郭解力

猶微平生但言憑義氣捨身許友未覺非郊畿靄靄帶  
晴雲稻田桑圃望中分村墟景象多幽趣點綴虫虫忘  
帝勲婦子嬉無節長幼略無文常樂昇平烽火息霸陵  
閒却故將軍柳堤遊客艤船待一櫂輕移山勢改嫣紅  
粉白夾岸嬌蘭橈畫舫中流在中流競渡各紛馳渡口  
魚磯疊石為更有一川風景別身在蓬萊自不知蓬萊  
宮殿何繁華瑤島瓊臺入坐賒仙人爐煉長生藥羽客  
丹成九轉砂靈素作安期遺我棗如瓜驅山走海丹青

變筆底煙雲紙上見神思妙藝出清新偶然展軸驚萬人  
巧贍奪天工結構含精氣遠過顧虎頭不數陸仙尉  
仇子此卷何為哉燕雀嬉嬉畫裏來驅鄰自召強鄰侮  
繁華侈泰禍之媒牛車俛首受縛去冰天雪窖嗟徘徊  
即今歌舞地花發為誰開空留遺跡在憑弔費詩才

德壽寺古鼎歌

龍宮巍巍紫氣軒輝耀棖甍煥崇垣寺名德壽菴羅園  
剎竿高掛珊瑚旛停鞭卸轡山門前一滴欲尋曹溪源

東瞻紫霧明朝暎清凉頓覺隔塵喧香浮寶殿謁世尊  
兀然古鼎吐雲烟何人鎔冶工雕鐫金翠斑斕歷歲年  
上文雷回下雲紘猙獰狀類獅子蹲籀書斯篆跡難分  
世次那辨癸與辛蚪蚪盤屈蛟龍奔周彝虞敦恍猶存  
葆精凝潤疑瓊璫寒光欲流不可捫日月照射輪朝昏  
濯洗全資雨露恩在昔盛事傳橫汾此鼎神異邁等倫  
我欲負之千蹄捷移向帝闕鎮厚坤充以大武佐魚豚  
萬斤水火為之燔有實大亨養聖賢



望雪行

今年三冬未見雪同雲苦被風吹撤夜觀望舒如鏡明  
曉看翔陽似冰潔秋麥全資冬雪培遙識農家望歲切  
我聞三白兆豐年望霰先集心如結上帝穹窿坐玉京  
青女滕六分行列如何不一駕雲車試剪飛瓊噴玉屑  
飄飄灑灑頃刻間利我三農都喜悅

春蔬

春融地氣如膏滑一畦煙甲隨雷發檐前小鳥喚春眠

裛露携籃勤采掇  
早韭初菰紛列盃  
清芬細嚼冰齒寒  
淡泊有味取次領  
旦晚為爾還加餐  
君不見一食千金  
丞相府猶說區區  
難下箸

雨前茶

穀雨前春雷後色  
染鶯黃新上柳  
携籠男婦谿山走  
爭試采茶三昧手  
日烘山腰暖碧雲  
槍旗半吐搖酣春  
賣與商人博衣食  
徒勞曾未沾其唇  
伊予品泉逸興賒  
啜罷還憶貧民家  
新絲新穀都已賣  
即今又賣新芽茶

有鳥二十章

孔子教小子曰詩可以興又曰多識於鳥獸草木之名鳥獸草木中觸我性情有興機焉若徒追琢字句強裁聲韻烏可與言詩哉唐元微之作有鳥二十章備載鵠鵙老烏諸惡鳥之可憎雖疾世之憤辭然不失三百詩人之旨予讀而慕之倣其體亦成二十章所詠者皆鳳凰鵠鷺諸名禽微之以刺而示戒予以美而示勸其有助於性情一也至於風格之高錘鍊

之雅予固未能及古人觀者取其意而略其辭焉

有鳥有鳥百鳥王雄為鳳兮雌為凰朝棲崑圃飲玉露  
夕宿蓬島餐琳瑯九苞六德耀文明恢恢天宇恣翱翔  
厥惟聖人修至德來巢阿閣呈嘉祥藹藹吉士馳王路  
千秋萬載邦家光

有鳥有鳥名朱鷺波靜昆明常顧步漢鼓曾標樂府聲  
周舞亦載詩人賦振振有序羽翮聯和鳴未許雜孤鷺  
玉筍班中識爾名由來博得人人慕

有鳥有鳥雙鴛鴦接翼交頸遊方塘共宿蘭沼何容與  
同飛鏡浦相廻翔若有人兮翠袖裳思夫君兮天一方  
春朝步兮春池旁覩佳禽兮增慨慷

有鳥有鳥在水滸飛鳴行搖如相語如相語相急難相  
急難兮食不安遠羅網兮泛清瀾啄蘆頭兮心共閒君  
不見悌有鵲鵲孝有烏人稟秀靈如不如

有鳥有鳥聲緜蠻遷喬求友出谷間楚楚金衣綠陰裏  
諧鳴玉管叫春闌高齋日午簾幙悄側耳徐聽音未了

生平不少素心人關山迢遞予懷渺

有鳥有鳥曰靈鵲羽族本天似先覺但不告憂惟告樂  
惠迪則吉宜忖度憑茲作喜易舛錯鳥智人愚非見謔  
有鳥有鳥名布穀高喚枝頭村柳綠村老聞聲急荷鋤  
趁時耕作還相勗東隣西舍催耕遍喉吻苦乾飲水曲  
不似籠中雙畫眉巧言但博主人肉

有鳥有鳥枝上啼啼聲風送到深閨聲聲催織當春日  
織女聽罷顰雙眉飽蠶方作繭那易成新絲新絲還要

賣匹帛安可期我願拖綾曳錦者常念茆簷忍凍時  
有鳥有鳥如輕舟毛衣皓潔名沙鷗穩宿洞庭秋夜月  
閒泛瀟湘煙水流將雛命侶頗自得對爾還似逍遙遊  
有鳥有鳥名鴻鴈秋去春來期不變成羣飲宿向沙洲  
蘆葦蕭騷波瀲灩古人重爾信義敦嘉禮親迎用致奠  
如何世人轉不如糟糠富貴分欣厭

有鳥有鳥雉將雛雛兒聲溢學母呼壠上風搖麥浪綠  
引雛拾蟲却相逐大堤年少挾金丸見雉此意不肯彈

彈雉雛兒誰為哺彈雛却憐雉心寒收弓擲丸不復看  
有鳥有鳥慈烏鴉飛集庭樹聲啞啞聲啞啞引其雛羽  
毛翩翩尾畢逋尾畢逋雛亦長烏老更借其雛養母為  
慈兮子為孝禽鳥亦識人之道

有鳥有鳥清秋隼獨韻金風利爪吻勁氣猙獰似駿驄  
眼疾身輕雙翅敏晴臯一下萬山青狐兔燕雀藏伏盡  
有鳥有鳥名黃鵠軒軒霞舉超凡俗矯翩翩躔來玉京  
却向太液池邊浴隨仙去後空餘樓入琴彈罷猶思曲



冥冥灝氣恣翱翔引我欲窮千里目

有鳥有鳥雲錦文巴山靈禽夙所聞的的彩色映日麗  
煌煌繪羽翻風新奇姿藻耀欺凡鳥雕籠飲啄為君老  
却勝埒頭村鷄鳴瘦立風霜報天曉

有鳥有鳥呈符瑞援毫作歌紀其事伊昔明皇即位初  
貝州飛蝗害苗穗乃有白鳥凡數千一一啄啄蝗盡斃  
當時姚宋作相公調和燮理稱郅治開元天寶易治亂  
玉妃擅寵昭陽殿祿山食人如食禾嗟此蝗兮可若何

安得白鳥大如蓋食此蝗兮安內外

有鳥有鳥志不移啣石填海無已時海却何時滿石亦  
何時斷但見羽毛禿兀爪喙疲咄哉汝鳥尚有志人而  
無志鳥所嗤

有鳥有鳥雙白鷗清秋玉立菰蒲灘踏波緩舞藻文動  
澄流照影翩珊珊性情高潔如其色自首至尾無點黑  
俗眼欲看看不得

有鳥有鳥金翠斑厥名孔雀產巴山產巴山來帝里屏

張藻耀文明起羽儀為國獻嘉祥不甘戢翼巖阿裏  
有鳥有鳥雲間鶴萬年枝上欣所託勁羽梳風意態孤  
清聲韻月響深壑常伴仙家丹鼎煙不慮虞人施矰繳  
有時灑翮一高飛迢迢天路翔寥廓

觀刈麥

麥苗入夏結穗黃東壠西壠碩且長老農此日走田忙  
腰鐮遍割樂歲穰笑看黃雲各成片密莖隨手行行亂  
肩挑背負曬簷頭饘粥有餘他不羨呼兒莫逐飛來雀

令渠亦識收成樂

擬杜工部洗兵馬行

長雲不隱關山月沙漠龍堆多戍卒壯士橫戈古戰場  
將軍飲馬長城窟長城水寒馬不嘶刀環入夢多歸思  
少婦樓頭咽橫笛一聲秋韻臨秋吹吹笛聲高復聲下  
驚起匡牀高卧者側身吟望興咨嗟向天長歌洗兵馬  
謂天益高聽自卑電光倏忽雷車馳雲師雨伯揚青旗  
陰昆水族功並施盆傾瓶注遐邇滋洗盡塵氛永息師

男歸其家婦育兒九州安堵樂雍熙壯士勇力亦奚為  
欲挽天河安用之

夜卧聽雨憶平郡王

朱明屆候天方永如烘暑氣焦塵境座間揮扇手欲疲  
林下乘風吹不冷今朝一雨洗煩囂入夜濛濛萬緣靜  
楊柳陰中罷暮蟬梧桐枝上收清影時有匡牀高卧人  
一杯芳潤澆苦茗夜涼霜簾好安眠芭蕉響滴殘夢醒  
醒後悠悠動遠思思在龍堆連雪嶺如心居士在軍營

年來王事勞馳騁即此清涼夜雨秋行帳殘燈懸耿耿  
天心仁愛當偃師坐看絕塞狼烟靖百萬健兒歸故鄉  
淨洗兵戈只俄頃猶憶去年烟雨中綠簑共泛滄波艇  
清宵蝶夢亦偶然人生何必歎浮梗借有好風吹送詩  
知君應在三秋領

豐碑行

夕陽返照輝道周驅車古路西風秋路旁豐碑何其稠  
森森插笏盤龍虬誰能細考姓氏留但聞土民說所由

明代貂璫威福擅司禮還兼御馬園秉筆曾標封事題  
內操更教昆明戰沒後養子不掃墳羣埋此地多無算  
當時威燄劇熏人只今草掩流螢亂我聞此語識興亡  
秦漢唐宋皆殷監私暱何曾念履霜竊權頓令愁飛霰  
勒石猶誇爵里高千年青史誰能逃辛勤汗馬創業勞  
大半拋擲由若曹

見桃樹下栽松感而有作

園中種樹羣芳滋幾年榮長紛歲蕤或列山側或傍池

同蒙雨露爭參差阿誰位置失其宜山桃下植青松枝  
蜿蜒未放拏空竒甘為翁蔽嗟何辭春日抽條綠葉披  
勢高獨占陽和私蔥蘢待到歲寒遲吁我己過煦嫗時  
我欲借問場圃師種植顛倒意何為青松磊落龍鳳儀  
山桃弱質人所嗤胡居松上茂蔭垂因循坐令虬枝萎  
自古掄才還若茲坐對感慨抒幽思安得橐駝妙手移  
或棄山桃付芟夷良材俾沐三春曦他年梁棟誠堪期  
同五弟月夜舟歸



湖波潏灩當秋澄一輪寒浸秋月明上下清光星斗燦  
輕舠打槳中流行萬籟閒寂天在水蘆葦點點飛流螢  
長空沈寥堪妙會鴈行拈韻欣同賡詩成泊岸松牕卧  
還聽沿階蟋蟀鳴

秋浦泛舟

西風拂水煙波綠櫂過寒溪三四曲采采蒹葭颭白花  
臨流驚起雙鷗浴雙鷗忽入芰荷叢可憐寂寞餘殘紅  
錦帆畫舫披薰風猶憶競渡誇天中轉眼秋湖明似鏡

雲山倒影澄波靜岸柳寥蕭咽晚蟬  
艤舟月掛孤篷正  
法海寺題壁

百年蘭若雲封戶山僧靜坐絕往還  
我來杖策尋幽勝  
啾啾山鳥鳴空山欲落未落楓葉赤  
乍斷乍續秋雲閒  
煙蘿石徑歸路杳孤月已上臨禪關

題秋山行旅圖

疎林葉落羊腸繞淒涼旅况燕山道  
馬蹄踏月人影斜  
炊烟未散霜花曉世人名利紛勞勞  
空教驚起棲枝鳥

題王諤豐年農慶圖

金颼蕭蕭楓葉落  
高空爽氣橫寥廓  
如雲多稼漸登場  
歡騰西墅連東郭  
白鷺下水烏犍閒  
池田波靜流潺湲  
秋原稂穗雜黃紫  
乍似春回萬井間  
剡豚烹魚為翁壽  
新梁炊飯香噴口  
三時拮据豈徒勞  
共喜西成獲大有  
弱婦房中自理機  
砌蛩唧唧催寒閨  
可知衣食民生切  
辛苦終年無已時

初夏日聞鶯

雨餘新綠林初鎖風傳曉曉聲聲可臨流度陌弄晴暉  
柳絲花片紛婀娜何處傷春不忍聽誰人求友最關情  
雙柑斗酒兩無賴繁絲孤竹空復鳴參差流韻紗牕綠  
金猊半爇蘭烟馥想見茆檐力穡人當作村頭呼布穀  
瀛臺木變石歌倣李長吉體

大山穹谷崇且盤山頭鶴駐曾棲仙岑巒嶇嶇扶孱顏  
金堂玉室相鉤連雲興霞蔚吐紫烟含囊靈瑞如陶甄  
靈林冥冥冠其巔其幽叢雜多桂蘭是為天宇宅天男

乃有異木鎮厚坤  
蛭菴杜松非其倫  
蔽虧天日無朝昏  
為舟十數皆其孫  
匠石却顧持斧奔  
水龍噴泉沃厥根  
啼蛄弔月星漏痕  
干雲負霜枝曲卷  
靈鷲振翅毛羽鮮  
老桂漫誇吳質眠  
白榆空足沈郎錢  
櫛櫛銀雲車蓋翩  
掛以雙丸繞鬼淵  
壽比散木已有年  
女夷不敢司厥權  
付之圓蓋全其天  
枝離幻作秦女馬  
會觀木石茲同壇  
為髮為身一體全  
亭亭傑豎無比肩  
暖春生玉疑藍田  
磷磷爛爛出五源  
女媧煉石茲尚存  
傍林插巖絕攀援

奇礪詎妨山溜穿五丁不可奪其堅端州石工安足論  
移來曾受海神鞭五車能上東馬牽都下傾城咸厭觀  
方壺蓬島資盤桓辭山不戀山木繁瓊臺璿室何丸丸  
呆愚風叫露掌寒漢唐池館今依然為薪非火悟火傳

蓼花紅

蓼花紅蘆花白緋桃雪梨無顏色草木芳榮各有時韶  
華一去不復追君不見大禹惜陰爭一寸吁嗟老大將  
何為

關山月

關山月秋倍明塞楓磧草涼颼生皎皎懸空漠海白沙  
蛩霜鴈寒聲并關山月今異昔烽煙久靖田疇闢不似  
當年戍卒憶家鄉亦或戰場覆沒孤魂魄關山月昔異  
今即今秋蒐乘興惟閒吟前車堪作後車鑒持盈保泰  
惕予心

熱

朱明遲度丹霄上萬籟無聲靜琴響暑氣生侵玳瑁牀

涼颼不到文羅幌  
砌裂苔紋破篆痕  
戶饒梅潤濕柱磳  
生憎蟬嚙聒耳煩  
況復鳩鳴懸念想  
豈無沈李與浮瓜  
林園坐啟層軒敞  
念彼公田待澤久  
耕犁未舉將生莽  
笠底老農畏赫曦  
冰壺那忍獨延爽  
吁嗟又復夏云半  
宵瞻雲漢徒首仰  
側聞上蒼心  
好生解澤詎久遲  
長養  
扶桑湧現火輪紅  
夜以繼日勞悵怏  
錦樣三春忽忽過  
炎炎永晝薰風盪  
何能習靜學禪師  
丈室安心息紛攘

望法海寺



雨後西山翠如洗嵐光浮座秀尺咫似聞鐘磬林外鳴  
常有雲煙峯半起就中法海古精藍曾遊記得禪關美  
風憂松筠紛竽笙霜酣櫚栢垂紅紫旋開寶殿鎖琅璫  
法王獅子座虔瞻禮偶然遊戲探曹溪山僧為我參一指  
今朝望裏試重尋昔猶非昔今豈是眺遠閣中一覽時  
舊遊法海寺有却供眺遠閣一覽餘清省之句由來不隔彼與此

耘田者

老農炙背耘田苗汗濕田土如流膏廣庭揮扇猶嫌暑

彼何為兮獨不苦獨不苦兮無奈何未見應比見者多  
農兮農兮良苦辛慙媿身為玉食人

神仙引

騎龍曉赴三清朝翱翔紫府偕仝喬東遊海上喚太真  
重舞霓裳按六么黃鶴赤鸞棲瑤圃神之君兮翩來下  
叶一聲長嘯萬竅風幾迴灑涕三秋雨俯視齊州十三  
點滄桑屢變增吁感壺中日月不堂堂洞口春光亦冉  
冉瑤為堦兮金為室中有至人不可識若把貪嗔癡念

求秦皇漢武求應得

閭闔篇

誅蕩天門黃道開層城十二光回回祥風吹扇旭影來  
兩兩列宿排三台五雲耀彩春徘徊迎薰豁達徹九垓  
予心如是思深哉無所隱蔽字量恢出入登進惟賢才  
題郭河陽雪山行旅圖

天娥快剪剪薄紈瓊華一夜纈萬巒臨風玉樹枝簇攢  
大地變作銀界觀凍峽千尺白龍蟠濺壁大小皆珠丸

嶮嶮截葉那可攀刺有羊腸路屈盤誰歟馬背凌兢寒  
羸僕戰瘡尤堪憐溪橋滑刺手足攣冷風吹揭墊角冠  
名利子也何足歎谷迴路轉茅屋連茅屋有客疑袁安  
披卷笑傲忘朝餐嚴威栗烈不可干河陽此法摹范寬  
當前勞逸憑君看

秋夕南紅門行宮對月

去歲龍沙試秋獮關山月色閒吟遣今宵桂魄還分明  
離宮照我無限情誰知幾缺復幾圓暗換今年與去年

去年月即今年月何必視昔空悵然白露灑灑衣袂冷  
倚楹相對忘懷永

鑿冰放舟

春入湖心冰力弱東風料峭何曾著

諺云春風著人不著水

鏡掩

鷺光黯欲迷壁剖羊脂分來薄碌碌冰牀聲已收中流  
遲放飛鳬舟零澌碎凍不可亂亭臺寂寞榜人愁齊趁  
午晴呼什侶曲鉤利戟長柄杵截方裁角片片瑩撐來  
仍向冰中貯忽疑銀浦泛瓊珂錦帆飛過太液波不比

凌人載周禮還如漢使窮天河鑿冰已過二之日匪納  
諺門典何出朝寒仍復結琉璃侵晨工作衝嚴慄吁嗟  
黃頭効勤良可歎瘡手皸足不忍看自今欲戒游觀興  
瑤編獨對心神瑩

花朝無花之作

昨歲花朝花燦爛今年花朝花信慢曉來佳節正春中  
忽見花旗綴別院瑤華琪樹相鮮新嫣紅姹紫枝頭綯  
坐令女夷增光輝何須剪綵陳家媛韶華透漏已如茲

高閣丁丁報銀箭莫嗟畹圃少芳菲會看紛紛亂如霰  
十駿圖歌

羣空冀北星輝房天閑十二有驪黃赤汗流赭太一况  
叶就中最數萬吉驪龍顙鳳聳誠昂藏驂騑闕虎威武  
揚四蹄梳踣騰康莊玉獅子貢自法王超跋躡景馳晻  
上叶花間敲句移銀牀俊逸尤讓霹靂驤權奇倣儻孰  
能方龍沙一馳殪千狼是為渥洼產中良雪點鵬臂三  
冬涼狐兔奔避雉雀惶有驕有驕自在名叶朝驚蜀越

夕齊梁徒傳魯牧駟有皇奔霄荏鐵駛異常不須鞭策  
追星芒赤花鷹來大宛鄉磊落獨步驥子英叶翩翩鸞  
鳳雲中翔籥雲之馱馴且剛百里底用宿舂糧嗟予無  
德御萬邦肯學八駿窮八荒懍乎朽馭刻敢忘來賓用  
誌祖澤長金輅玉仗開闔閭田車弗駕坐明堂驅馳樂  
圃遊禮場六龍時乘受天慶

神木行

黃木廠有巨木長六十尺其圍卧地蔽騎  
者弗相見也土人稱曰神木相傳明初建

北京時自南方舉致之以其不中繩墨故  
弗用其皮膚因年久剝蝕視昔為猶減云



孱顏穹谷羌天宇冥靈大椿生是所天地精英神鬼輔  
化為鄧林疑夸父燕京剏建明成祖搜索室奉為楹柱

撫之不中雷霆妬

叶

虎狼怒齧蛟蜃雨千夫舁走日里

許夷山堙壑壞屋廡難依繩尺梓弗取橫岡偃卧安厥  
處閱歷歲月殊今古徑類修蛇圍若堵騎人去來蔽弗  
覩之篆剝蝕蟲與鼠謂云神木神其下

叶

我聞樗不夭

斤斧胡遭大斲辭嶇嶇視之枿振差猶愈材不材間應  
見汝

雨中焚香泛卧遊書室

霏霏細雨千絲懸  
滄波萬頃含輕煙  
汀蒲岸柳濯新綠  
棠舟偶泛空濛川  
浮波野鷗梳濕羽  
亞隄山卉垂幽娟  
卧遊奚必披圖畫  
翛然清絕消萬緣  
宣銅乳爐烏卿熾  
深深隔火安古錢  
不須都梁五木品  
水沉細炷清芬便  
細參鼻觀滌塵想  
却憶書室曾忘筌  
油雲忽來天宇暝  
灑迥如聞飛瀑泉  
無色聲香原即此  
笑伊兀坐求逃禪

素絲行

陌桑甚落成枯杙蓬屋咿軋鳴綠車綠絲縷縷長且白  
為織吳綾與越紗吳綾越紗薄似霧美人中裙裁紵布  
殷勤熨貼臨溪浣惟恐纖塵或沾污素絲素絲如君子  
太初之色通表裏云胡黃黑任人為墨子悲之良有以  
觀教漢瀑布水

我聞奧區天所秘疑信向半今信然浩浩萬里沙漠塞  
乃有瀑布崇岡懸車塵方苦紛塏塏豁開壺裏別有天  
侵尋峰岫羅嘉樹漸潤澗谷無埃烟是時仲秋曝晶日

忽聞雷聲殷前川坐令林巒失輕籟朗吟清眺萬慮蠲  
大者明珠小者璣如傾栲栳投深淵虎狼駭走不敢飲  
下疑千載蒼龍眠巨石橫斷無土壤粵生美箭竒而堅  
山葉紅綠如錯繡無名野卉相新鮮鸛鵠徘徊不忍去  
鼉鼉時向虬枝穿禹鑿龍門未至此胡乃三級限鱗鯁  
蒙古相傳瀑水以下鱗類甚夥而以上絕無亦甚竒云吁嘻泉石誠觀止賞咏自  
我羌誰先匡廬香爐無足喻山靈占此永不遷設置飛  
觴搦管地混沌竅鑿應難全

射虎行

鬱蔥萬木森虧蔽豁開大澤天無際朝嵐忽捲崿峰烟  
樹色山光闢蒼翠初來沛里拜

橋山便途較獵遵

先制鴈行兩翼圍密合貔旅八旗各標幟太平久經息  
兵革進退號令習軍事日未移時肩已倦他他饒獲麋  
麇類乍見白額出林叢鼻頭出火人思刺期門飲飛驟  
驂騑驅之草淺平川地四圍重排雪鋒鎗負嵎空憶難

迴避唐弓夏箭出秦韃命中已決耽耽皆詎與漢將思  
爭勇歷艱

祖訓期無愧耳食書生未目覩橫議涉險鮮防備我笑  
羽林備過多壹發於菟却先斃

昭陵石馬歌

在昔穆王八駿追雲霞  
耄荒忘返天之涯  
太乙況漢天馬來  
樂府曾聞產渥洼  
勤勞血汗事何有  
雌黃徒惹詩人口  
不如漢文却受千里駒  
吉行五十符陽九  
周家岐

渭始勤農我朝三韓奮跡實彎弓由來受命雖有異艱  
難創業多齊蹤

太宗馬上得天下房駟星輝

天錫嘏叶大白小白協安吉

故老云

昭陵前石馬一名大白一名小白蓋

文皇帝所御也

文皇帝體豐而鎧重乘小白日行百里乘大白祇能行五十里云

至今立仗

昭陵貽石馬遐思我

祖如唐宗陵園廟號先後同汗趨嘗傳杜甫句聞揚光

烈千秋隆六御今年來故里貞觀遺跡餘荒壘

唐壘在廣寧縣

城東南相傳唐太宗  
征高麗駐兵之所

文皇曾亦討寒盟

謹按

昭陵神功聖德碑云天聰二年以朝鮮毀盟討之拔其都載飛

舸於車凌江華島李侗自縛請為臣釋之還并歸其俘獲

乘此雙龍渡渭水文綏武

服為藩屏萬年正朔奉永清不似李唐東征悔失計仆

碑重建思魏徵

所過連山塔山皆我

太宗文皇帝用武之地而呂翁山則生擒洪承疇處也

蓋有明末季驟加遼餉至八百餘萬竭天下之



力奉東北一隅未收片甲之用而兵食兩誑人  
民離畔我

太祖高皇帝一舉薩爾詩而遼左之業成

太宗文皇帝再舉呂翁山而關西之勢定今因叩謁

祖陵親履其地思經營草昧之艱難爰恭紀其事以示  
來許俾念

祖宗得天下之不易益勵守成之志亦以舉其殷鑒明  
之鹿亡其必有所以失之之故也

連山相接塔山峰溝壕壁塹凡幾重以守則固以戰勝  
將以勇氣吞遼東增募戍卒號百萬重臣經略操鐵券  
朝拜恩命暮縲紲舉棋不定曾無算監軍意氣壯且豪  
凌駕朝士如兒曹綿山亘海排鐵騎謂當唾手成勲勞  
太宗從容處以暇精兵已伏杏山下金支五色雲上蟠  
明卒望見魂驚怕奔走禦侮多英賢投石超距衆閒閒  
君臣一德功乃建人心既單必格

天彼志離兮我志合如枯易摧朽易拉不數唐帝美良

川祗今戰氣猶森颯陸血漂杵海屍浮乘潮鴈鷺隨波  
鷗一時破竹十三萬傷我十人廝卒儔清流關側擒皇  
甫煌煌大業開疆土河山帶礪酬勲庸於鑠雲龍與風  
虎乃知

皇天惟德親

桓桓謨烈告後人從來守成事不易殷鑒應思鹿失秦  
交則為秦塞則否九重宴安豈宜恃不見呂翁山畔上  
將降猶設椒漿奠忠鬼

聞黃鸝

輕棉飛盡池塘清綠陰檻外紛縱橫繁絲急竹俱無賴  
忽聞倉庚三兩鳴時至而鳴過則止萬物生成各天理  
偏生分別是人心愁者聽愁喜者喜愁兮喜兮兩不知  
葉底關關殊未已

霹靂驤歎

霹靂驤者超勇親王額駙策凌所進十駿中之傑出  
者也服御多年今病垂斃感物傷懷而作是詩

天閑十二龍為侶驥不多得聞自古不稱其力稱其德  
德力雙兼更難覩汝為驥子亶其然久冠驪黃在吾園  
北窮鴈塞範馳驅東巡遼海周每撫資汝之力惜汝軀  
肯教下與駑駘伍騰驤猶具昔年心芻秣頓減瘖其跂  
耳竹離披目星落向我長鳴不能語嗚呼自今秋郊之  
獸免佗佗惟有弊帷留待汝

松花玉石屏歌

鬼工磨刀劖山骨女媧乏材補天窟琉璃罌愚失顏色

光奪青銅凜毛髮不圓而方  
峯且光都尉慙直絳侯訥  
勤思負扆其可忽

蟠龍引

山名前建行宮偶  
來駐蹕而作是詩

我聞金陵自昔稱龍蟠  
千秋形勝想像間  
奕奕瑤光照  
薊野蟠龍亦得名  
茲山江南江北不異地  
天龍遊戲同  
歸禪獅峯就鷲嶺  
詎獅鷲何如九二見  
在田南陽卧客吾  
心企敢誇乘六以御天

青松行

髣髴山行宮內構書室數楹青松七株森翠當戶留  
連撫吟興在徂徠之麓矣

冬來萬木辭芳華暗撫時序驚逝波有翁矯矯異凡他  
不與桃李爭嫵姸迺今本色露此此幾楹書室架嵯峨  
適看虬影當窻紗怒濤謾起青雲霞岩楓坂榆禁不譁  
或側而立或坐跣竹林賢者一來過比秦大夫猶為多  
我來徘徊撫且摩汝誠逸民為我羅會心有在理則那  
皎皎白駒詩人歌

皇清文頴卷首二十一



欽定四庫全書薈要卷一萬九千三百九十九集部

皇清文頴卷首二十二

御製詩

五言律詩

春日雨後海子外行園二首

雨後觀新柳垂絲帶玉珠村村生意足處處早春殊馬  
健方堪騁鷹雛未解呼萬家烟火裏簑笠快何如

繡陌連芳嶼韶光十里繁綠深楊柳岸紅暗杏花村時

雨占年稔新晴愛日暄遊觀回勒晚殘照落柴門

東作

東作三春始滋生萬物稠公田平似掌新水綠如油蟲  
捲柔桑葉針抽嫩穎頭乘時功力備多稼定今秋

恭和

御製詠竹原韻

藻砌紛青籜芳園滿綠陰最宜時雨洗不礙歲寒侵  
宸暇方遊豫

皇情暢詠，吟年年常近日清節與虛心。

花信風

欲識春來處，先看花信風。未搖枝上綠，已綻蕊頭紅。長養元功普，吹噓大造同。何須催羯鼓，列繡杏園東。

鶴跡

曲徑苔迷路，幽棲鶴作隣。舞階猶惜影，步月不生塵。印出留深跡，翻將疊軟茵。松門未曾掩，幸得接嘉賓。

春湖涵碧

碧水漾平湖空明一鏡鋪  
鬚眉應可鑑塵垢杳然無點  
點浮青荇雙雙下白鳬  
春風浴沂水視此意何殊

鏡水荷香

半夜芙蓉雨三間水月樓  
清香隨處度風景一時收  
榦密妨魚躍花深隱鷺遊  
詩情頻入座不必問漁舟

板橋霜跡

隔溪亭子迥為駕板橋通  
秋老碧天白寒流楓葉紅  
攬簾吟夜月著屐步霜風  
愛此雙雙跡扶筇過水東

萬年松

勁幹挺森森  
窻前滴翠深  
依然臨水石  
即此是山林  
香氣濛春霧  
華枝覆午陰  
瓶梅與盆竹  
聊結歲寒心

轆轤聲

綠水漲平湖  
春田轉轆轤  
耳根鳴斷續  
眼界樂霑濡  
漫厭繁音急  
從觀生意蘇  
機心緣力稼  
不與漢陰殊

瀛臺觀木變石

異質傳何代  
天然挺一峰  
誰知三徑石  
本是六朝松  
苔

點猶疑葉雲生欲化龍當年吟賞處借爾撫遐蹤

清簾看棋

松枰消夏日竹簾納涼颼任爾機心密皆吾靜賞時鼎  
鳴濤泛峽香爇篆縈絲黑白分明看疎簾月漸移

夏日園居即事四首

園有山為郭齋因樹作墻開軒惟欲敞引徑不嫌長淡  
月梧桐影輕風蘿薜香無心瀟灑客勝地足徜徉

宿雨潤新葩紅蒸一片霞看雲閒藉草愛客緩烹茶坐

弄流泉潔眠當皓月斜子西得意句分付與山家  
綠竹令人遠青松迥出羣山明眉作畫溪暗帶如分古  
帖閒來搨名香手自焚晚涼急雨過星漢淡微雲  
為有披襟者林風拂面來芙蓉碧沼麗楊柳夏亭開愛  
鶴閒移榻呼僮淨洗杯往來依石徑半為愛蒼苔

萬壽寺方丈小憩

庭有參天柏階饒匝地花鳥棲喧皓月鶴立對晴霞寥  
寂鐘魚靜蕭閒山水嘉閣黎公案熟讓客趙州茶

六月七日率王貝勒等泛舟即景

勝地尋幽賞天倫樂事并舟迴芳甸轉雲淡遠山橫新  
霽田疇潤微風景物清水禽飛上下總是樂生生

己未夏六月恭進

皇太后字扇一柄謹成

玉漏林間度遲遲日正長問

安承色笑撫景願清涼水簾堪祛暑薰風恐拂裳寸忱  
託輕箴長此效黃香



六月十八日初霽恭侍

皇太后園中遊賞謹成一律

膏雨公田足歡遊禁苑多欣陪

文母御不數漢王歌山向雲中隱舟從畫裏過  
慈顏添豫色至樂復如何

月夜泛舟

泛月開輕舫微風送棹歌一輪懸玉鏡千疊湧金波魚  
躍蘋花動螢流燭影過猶聞簫鼓急別殿按雲和

雨二首

細雨落還止油雲斷復行  
當秋著物冷灑迫織絲明  
溪口添新漲簷牙續舊鳴  
來朝直北望天淨五雲城

麥壠綠菲菲秋苗潤更肥  
因風鳴淅瀝入夜聽霏微  
此際方增冷何人未授衣  
先民憂樂切詎隔九重扉

登賞遇樓疊前韻

為有松為蓋因依石作齋  
雲烟生砌潤山翠入窻佳  
綠野咸供望丹梯即此階  
拈毫舒逸興至樂傲無懷

秋日御園即景

臺館含秋爽  
衣衫切曉涼  
亂荷紅帶紫  
疎柳綠兼黃  
砌草藏蛩語  
池波印雁行  
憑欄無限喜  
千頃稻風香

清河道中

始發清河道  
將為塞上行  
看山青覺近  
問路景如迎  
風爽催征轡  
雲光獵綵旌  
所思明舊制  
豈為騁遊情

秋日奉

皇太后口外行園六首

列塞騰千騎三秋駕六飛  
校蒐遵

祖制問寢奉

慈闈纚纚田車好  
初初原獸肥金風如有意  
爽氣襲征衣

代是熙和候秋當獮狩時  
風雲森羽衛物象擁旌旗  
皎日瞳矐照涼颼左右吹  
近光多父老前導莫驅馳

秋原零白露羣鹿應時鳴  
駭野車徒勝彌川草木祇  
期軍律整無取大庖盈  
誰獻長楊賦臨風憶客卿

暮色滿平川行宮景物妍砌蛩喧此夕梧月照當年  
皇祖曾停蹕孫臣獲侍筵幾多承雨露追想倍悽然  
行漏催寒夜銀檠虎帳懸霜砧鳴塞上星斗掛天邊牧  
馬聞呼聚飛鴻列陣旋禽荒曾有戒無逸誦終篇  
當秋鷹羽疾度塞馬蹄輕目極山川秀詩含草木清天  
高雲帶影風勁壑傳聲更值西成好沿途喜氣迎

避暑山莊行宮懷舊二首

離宮對碧岑峭石聳成林壁有曾題字庭餘獨樹陰簾

惟秋日靜爨鼎篆烟沉沉是承

恩地能無憶舊心

幻塵同夢鹿佳境似遊仙帆影留雲在江聲共月懸

雲帆

月舫月色江聲皆宮中別院名也

綠窻蛛織網粉壁鳥銜鈿迴首驚心

處流陰忽廿年

除夕立春

餞年兼餞臘迎歲却迎春勝綵裝屏麗盤椒獻座新餘  
寒退殘夜韶景入元辰應律敷陽德還思與物均

夏日遊玉泉山羅漢洞疊前韻

宿具遊山興因來避暑頻  
月光瞻古佛笙韻聽新筠  
空色原無二林泉自有真  
寄言塵俗客到此悟迷津

螢

雨後飛螢出因風散碎光  
梧堦流熠燿蘆岸照蒼茫  
裁句吟清夜攤書卧晚涼  
那堪當夏半秋意到南塘

望桃花寺

疏山通鳥道間樹出精藍  
殿閣凝秋靄川原靜曉嵐  
鐘

聲天半叩塔影鏡中涵尚憶十年事孤吟古柏南

曉月

茅店雞鳴曉烟溪客渡津無須珠照乘博得影隨身旅  
況饒千樣長空祇一輪纖阿曾有約萬古助行人

草色

軟茵纔疊砌細毯漸周阿旭照初含燠春迴久孕和帶  
烟青胃絮無水綠生波才于

才于出潘岳射雉賦  
才丑石反于恥錄反

胎仙

過雙雙印隸科



來青軒二首

松棟久徬徊遐心一暢哉禽言留客住山色送青來宿  
雨滴岩樹輕嵐拂砌苔綠疇千頃浪是我放愁纔

屏風背遠山畫障面平野丘壑靜入吟松篁翠堪把閒  
雲認岫歸薄霧出楹寫倚檻眄蒼茫遼天孤鶴下

過玉泉

輕籟蕩平林晨鳥隱曉陰山葩看野色樹鳥聽幽吟初  
地因相訪陳題此重尋渟泓俯靈沚藉以滌塵心

恭謁

永陵

追王傳前籍

遺庥逮後昆  
高山瞻彼作  
德水溯茲源  
疆理興家室  
星辰衛

廟垣幾多瓜  
瓞感揮淚灑  
寒原

恭謁

福陵

草昧起

英雄

維皇乃眷東風雲龍虎會日月海天中

帝業千年鞏

山陵萬古崇永維

無競烈繼序矢深衷

恭謁

昭陵

早是

天歆漢何曾鹿逐秦百年經五世一壘豈三旬太室蒸  
嘗永

元宮松柏新紹庭懷積悃展拜此時申

敬觀

太宗所御鹿角椅

天然鹿角椅合拱不傾歆製朴

身常泰形端道可思奢懲珊枕伴儉似葛燈遺却憶艱

難際曾無偃息時

除夕

送故與迎新東皇轉化均良宵堪惜惜淑氣始礪礪歲  
裏餘三鼓春歸已一旬流年何以餞思居倍增寅

遊潭柘岫雲寺即事雜詠得詩六首

攀雲尋淨地間樹出祇園息我幻塵念遊茲法海門靈  
潭徵自古老栢鬱生孫欲擬留詩去詩中無可言

春山綠如洗四面作佳隣默對如如相慙為汲汲人天

香凝篆細空樂韻松頻古衲餅盂淨將無隱者倫

乳竇淙淙注天窻小小懸千松排嶂外一水到齋前遠  
印雲中岫平臨谷口烟瞿曇無說說鉢裏茁青蓮

憶在天成寺禪房有句留山川原竝美歲月幾遷流龍  
卧深潭底鳥吟高樹頭閒雲知我意到處分相投

小軒臨絕澗朝暮寫烟霞近席挹清籟虛窓碎白紗

聖蹤餘想像題字走龍蛇

松竹清泉  
祖御筆題行宮名也

皇  
誰演楞伽

法能聽倩綠芭

簇簇玉芙蓉嶸嶸當戶濃豈因供攬結聊可盪心胸  
拍子窓間落石泉堦下涼徘徊遲去騎徑轉尚聞鐘

二月二十七日耕藉禮成得詩四首

昭蘇春氣濃千畝正南縱勸穡倡羣辟

明禋考秩宗輕雲籠旭日殷禮享

先農佇望甘膏沛微衷益致恭

皇考勤農本年年盛典修春郊方淡蕩穡事敢遲留  
野老披蓑笠青壇覲冕旒頌恩勞終畝旨酒美思柔

綵棚周沃壤葱牕服青犁京兆種方布皇州草未萋九  
三分位次黍稷按東西釀雨雲容好應霑視起泥

祥風扇盎融金翼影方中間闔千門啟逶迤一路通心  
因繩

武恪禮以重農隆蠶館初諏吉勤民此意同

是年初命  
皇后舉親

蠶  
禮

雨後玉泉山三首

宿潤菴林顛澄心對玉泉山花皆喜色薜徑絕塵緣藻



底窺潛鯉枝頭聽午蟬憑欄無限意綠壠正迴鮮  
行漏隔花稀山亭坐翠微湖光梳石髮峰色潤苔衣薄  
爽林間度濃陰澗外肥對時思解阜不藉五絃揮

西山濯碧螺積翠一窻羅於此賞心遇所欣即事多汀  
葩紅爛漫壁蘚綠婆娑詩思今何許剛如雨後波

頌朔二首

闕宮蒸祀罷象魏授時頒舊歲行將盡新年去復還時  
和詎可恃日久倍知艱所願周寰宇官清民自閒

試問司天史羲娥移不移璿璣誰可度珠斗若為推六  
合車書會千秋道法垂去年重入想崇政涖朝時

恭奉

皇太后幸湯泉

翠輦駐雲莊春暉載小陽靈波暄不凍勝地景偏長數  
八稱功德齡千益

壽康不須分別見是水一如湯

韻松軒三首

是松山林中物而書室適建此暮把朝吟且以名軒  
誠得遇矣夫不有瑰奇卓犖之材君門萬里不能自  
進者乎觸目警心非有愛於是松也

拏空露遠岑蒼翠復陰森靜是有聲畫動為無操琴何  
須泉咽石自有鶴棲林悟對寥天一悠然獲我心

讓竹稱君子無松不大夫豈隨春作態直與古為徒勁  
幹天邊倚真聲靜裏輸不因人作止信矣德充符

書齋結構新黛色罨窻頻每顧消塵念興言得好隣伊

誰知樹性為我種龍鱗寄語如松者林中漫隱淪

七言律詩

賦得卧聽村村打麥聲二首

夏雨初過已有秋黃雲片片擁來牟暖畦錢刈青莖亂  
晴圃耜翻紫穗稠舍隔西東聲拍拍戶饒餅餌樂油油  
高齋亦識豐年景夢蝶牕頭酒一甌

雉母呼雛隔野塘北牕初啟學羲皇田間錦疊千重縐  
壠上濤翻四月涼場圃地喧耜板響隣家風送午炊香

從容鼓腹堯天裡為媿農人鎮日忙

雍正九年十二月二十日

皇祖實錄御訓告成

皇父陞殿恭受禮成羣臣慶賀恭紀三首

寶祚金輿瑞靄盈恭迎

帝輦出乾清

起居本是當年注紀載欣看此日成

佑啟萬年隆國祚繼承四海仰

皇情告成應受千官賀金殿瞳矐旭影明

史館修成

聖典垂一番歡喜一番悲提攜舊憶

音容在懷慕今驚歲月移光發瓊囊臨殿陞祥開玉帙  
煥采愚幾回拱手丹墀立感事沉吟七字詩

薄海霑濡雨露勻

九重咨儆煥絲綸典謨從識唐虞聖功敘還同覆載仁

憶昔追隨

宸極久祇今瞻仰史書新光天黎獻歌思永況復躬承  
渥澤人

海潮應月

海壘初見一痕生突兀看雪嶺橫勢狀百千雷鼓震  
信符三五月輪明濤頭逐馬漫天湧浪尾歸舟向海行  
偶現色形還寂靜方諸看取水盈盈

玻璃盤

渠几無塵罽毯平玻璃盤子伴高青一般皎潔羞雲母

四射光芒突水精巧質非緣周王府

周禮天官玉府合諸侯則供珠盤玉敦

嘉名詎數漢金莖幾回拂拭澄如鏡靜對冰心一片明

恭讀

皇祖御製避暑山莊三十六景詩并閱圖感成長句五

首

天開勝境比卷阿浩蕩春熙萬物和祇為養

親溫清備非闕奉已豫遊過迎涼臺榭依山迥延爽軒  
窗傍水多領領孫曾難數計扈遊何幸沐



恩波

猶憶壬寅三月春隨

鑾方始奉恩綸

天顏近接承歡久

日角時臨賜喜頻在耳

德音猶似昨開函

御筆鎮如新祇緣深眷吾

皇意愛育餘波及小臣

金泉避暑闢離宮行樂還期兆庶同書史研求遵古訓  
桑麻藝植愛幽風追陪六膳分銀鱠趨侍三驅躍玉驄  
指點圖中當日事

鼎湖何處可攀龍

靈臺不見文王御仁壽空傳唐帝宮樓閣簾櫳虛夜月  
殿堂松柏老秋風當年遊賞疑天上此日酸辛對畫中  
賸有

宸章恭洛誦幾回青睞憶

重瞳

鼓響春音夢裏遷披圖不覺淚潜然詩侔風雅傳千載  
畫聚烟霞局一編爽籟秋風噓大塊雲章星彩麗高天  
冷窻課罷頻吟諷回首光陰已八年

題隨安室壁

淨心無礙所居安丈室爭強拓地寬數軸牙籤懸座側  
一窻風月入毫端壺中有水閒來點琴上無絃靜裏彈  
入夜跏趺還結坐宣爐火活炷沉檀

洗硯

搗罷蘭亭日影移  
好將龍尾浴清池  
波漂雲片隨流急  
手洗煙痕欲去遲  
湖上翻沙驚燕子  
汀邊吞墨飽魚兒  
精心拂拭消餘暇  
還憶齋頭把筆時

聞軍營大捷誌喜二首

旭日揚輝氛沴消  
光天雨露九瀛朝  
行間效命嫖姚霍  
斗畔推車相國蕭  
沙漠忽聞收戰馬  
泮林佇見集飛鴉  
勒功一片留何處  
更過燕山萬里遙

轅門鼓角萬軍鳴  
執訊連連繫大營  
日照三山光四壘  
風迴千隊動雙旌  
已聞魚海全銷燧  
更看天河淨洗兵  
最是王師征不戰  
金甌永固萬方清

遊蕉園

冰牀聲裏過長湖  
遠岸人行似畫圖  
雪覆蕉園松突兀  
雲生古殿路虛無  
南臨太液風鈴語  
北望瓊華塔影孤  
屐齒幾番遊歷處  
寒林已聽噪歸鳥

賦得自鋤明月種梅花

溪畔梅花欲放遲數株分種傍堦墀鋪翻夜月和香動  
手握寒根帶影移花信漫愁催落蕊畫楹初有照來枝  
何須秉燭尋幽趣舉首冰蟾未墮時

題米襄陽畫

雲氣濛濛暗遠天人家微辨水村邊渡頭風靜帆無力  
溪尾春歸浪有烟塔影平臨千畝外城樓高踞兩峰前  
瀟湘雨意憑誰識座上猶疑對老顛

雪消

皓素漫空映綺寮春回大地凍全消光凝玉樹寒深淺  
水潤蘭階影動搖梅已過時添舊蕊柳將應節放新條  
朝來最喜霑濡足指日芳畦透麥苗

冬夜焚香

空林寒噪暮鴉還靄靄沉烟裊博山一縷自來參鼻觀  
三千原不出塵寰味餘火冷灰殘處興在藤床月牖間  
莫漫丁東催漏箭高齋消得暫時閒

甲寅冬至

上躬祀

南郊恭紀二首

馳道曈曨散曙光祥凝玉輅煥龍章精誠

聖德通

乾祝肅穆

皇儀紀奉常黍谷灰飛方應律雲門樂奏正迎陽微風  
不動柴烟直遙望天門闕九閭

一綫陽和何處生重重瑞靄映層城曉光彩映霜花動



韶律春迴朔氣清百福均隨長日至九瀛並奉泰階平  
上林已先東皇令殿柳宮梅欲向榮

我

皇考遐棄臣民遽易節序追思

高厚再覲無期予小子夙承

庭訓懋學書齋用是苦塊之次述哀痛之忱中心迫切  
不能自己敬成長律以誌終天之慕云

勤勞宵旰

一人心痛念

前徽淚滿襟

顧復深恩難可報  
纘承丕業敢忘欽  
堪嗟時序秋冬異  
竟抱悲哀歲月深  
望斷白雲

仙馭遠還思

仙馭式來臨

夢裏雞鳴驚問寢  
曉瞻帷幙頓生悲

劬勞漫說終身慕

德澤誠留萬古思聆

訓庭前猶憶昔承歡膝下更何時  
蓼莪讀罷增沉痛繼序艱難只自知

十月三十日

皇考聖誕辰也歲歲稱觴獻壽今忽於雍和宮縞素將  
事痛何如之敬成長律用誌哀忱

率土呼嵩慶六旬歡聲頓歇哭聲頻誰知拜舞稱觴日  
忽作悲哀致奠辰

化普寰區咸遏密心傾黎庶共尊親  
皇靈陟降瞻霄漢尚懇餘波惠子臣

覽舊作誌懷

芸帷書史昔留連今日拈毫屬偶然  
剩有憂懷披奏牘那餘逸興賦詩篇  
漏聲滴盡銀壺箭香縷飄殘寶篆烟  
輸與昨年瀟灑甚綠窻愛月正遲眠

咏禁中紅葉賦得霜葉紅於二月花

寥天爽氣到楓宸恰有霜枝點綴新  
色借花欄紅乍染

影依玉砌冷初勻鬱森未許遊蜂集絢爛還教宿鳥馴  
更喜西成逢稔歲萬家雨露沐陽春

丙辰十月十六日恭送

皇考梓宮至

泰陵奉安

隆恩殿告祭還京悲慕如疑呼搶欲絕途次敬成長律  
四首以誌深痛

過隙光陰歲已週

龍輿朝駕痛難留  
纘承任重何由報

顧復恩深未少酬

雍邱回看宮闕寂

橋山空對几筵愁

尊親寰宇傾心久  
夾道蒸黎總淚流

兩行衰柳冪寒烟  
一路悲風拂綵旃  
易水如添愁脉脉  
燕山不斷恨綿綿  
未過虞帝巡方載  
猶少成王享國年  
夢裏瞻依仍似昨  
問安常在

寢門邊

楓葉初丹槲葉黃當前觸目助悲傷

鼎湖冉冉寒空靜

蘆殿淒淒夜月涼憶斷白雲還杳望窮碧落轉蒼茫  
悲懷長此增沉痛忍別

山陵路阻長

雖是

元宮未閉時  
可堪無處覩牀帷  
鬱蔥巒岫千靈護  
颯沓

松揪萬籟吹

仙馭漸離心未遠歸鞍將去意多遲言旋正值稱觴日

十月三十日是

皇空向

考聖誕辰也

慈容獻壽卮

十月二十五日得雪

同雲四野望漫漫瑞雪霏微失遠巒麥壠乍欣占稔歲  
茆檐還慮怨祁寒飄飄柳岸飛輕絮點綴梅村剪薄紈  
最是上林饒景色小春時節玉花攢



冬至南郊

黃鍾應律兆千祥  
喜見天心復一陽  
子夜灰飛旋淑氣  
泰壇日麗散晴光  
禋盛禮稽三代  
御世鴻猷愧百王  
祇祝精誠通

帝載眷予寰海樂倉箱



皇清文穎卷首二十二

欽定四庫全書

總校官庶吉士 臣 張能照

校對官修撰 臣 張書勲

謄錄監生 臣 蔣大鎔

欽定四庫全書薈要

集部

皇清文穎卷首二十三

四

詳校官候選知縣臣吳甸華



欽定四庫全書  
曾要卷一萬九千四百

集部

皇清文頴卷首二十三

御製詩

言律詩

雨夜詠懷

欹枕城烏喚曙時  
雨聲漸急漏聲遲  
廉纖細潤應含麥  
料峭輕涼欲透帷  
治理每慙先哲訓  
憂懷未許侍臣知  
更闌點滴難成寐  
萬戶饑寒靜裏思

恭題松竹梅畫幅 并跋

埭畔凌冬傲雪株  
濡毫渲染發清娛  
松枝翠拂蒼鸞尾  
竹實紅垂火齊珠  
香散檀心欺蠟淡  
花懸磬口帶寒敷  
作朋三壽微忱切  
生意長含看此圖

潛邸時讀書之暇間亦旁涉繪事嘗恭製此圖進呈

聖母清玩者松竹取其經冬而不凋梅萼取其凌寒而益茂舒華耀實愛日暄妍蓋用以獻祝也今荷蒙

聖母宣付裝潢仍

命題句於右爰敬述前意並綴韻言藉昔人三友之名  
為子臣九如之頌聊以效稽拜之忱悃云爾

柳色

嫩綠柔黃取次添勾留韶色細睂尖池塘日暖初臨水  
庭院烟濃半映簾綺句只愁歌謝韞銷魂誰解賦江淹  
禁烟已近頒新火好向村傍拂酒帘

詠牡丹擬禁體

不用富貴爛漫並  
姚黃魏紫等字

葉概花姿天與真松為好友石為鄰可知氣韻饒羣卉  
肯以容華媚主人蝶醉未醒風似麝僧叅初定月如銀  
憑軒不雜笙歌賞恐使清標漸染塵

甘霖普降特召大學士內廷翰林圓明園泛舟遊  
覽即事成詩同諸臣面賦以誌一時勝賞時乾  
隆三年六月六日也

偶因幾暇事遊觀特許儒臣禮數寬霽現山容凝翠黛  
風披水面縐冰紉泛舟共勗濟川訓即境還思力穡難



前日甘霖敷澤遍新詩分賦誌同歡

新秋泛湖

一夜西風催溽暑滿天爽氣送新涼  
輸將團扇三分冷贏得平湖十里光  
野艷沿堤秋卉簇殘紅亞水晚荷芳  
輕舟棹入烟波裏愛聽漁歌引興長

秋夜南苑行宮懷舊偶作

再經南苑動秋情別殿宵深景物清  
最愛寒光窓外映那無逸興靜中生  
閒階亂草低螢火古寺疎鐘叩月明

奏牘手批更漏永轉教重憶舊經橫

冬至齋居偶閱舊稿誌懷

靜聽迢迢宮漏長齋居暫屏萬幾忙那無詩句娛清景  
恰有梅梢送冷香案積陳編閒檢點志期舊學重商量  
灰飛子夜調元律又喜天心復一陽

新正二日召集羣臣於乾清宮賦栢梁體詩朕既  
首倡又成七言一章

泰交堂陛列鴛聯日暖彤墀淑景鮮祇以賡歌鳴喜起

非誇宴樂沸絲絃觴浮栢葉添吟興筆灑瓊華映綺筵  
更慶元正飄六出又增新瑞紀瑤編

九日

菊蕊舒黃楓葉紅重陽還與去年同却驚時序馳駒隙  
漫惜芳菲逝水東落帽輸他誇俊逸宵衣惟我積憂忡  
朝來縱不登高望萬戶饑寒在眼中

登盤山天成寺江山一覽閣作

兩峰天闢仙壺路到眼江山萬派分樹嵌丹崖空外合

泉鳴碧澗靜中聞  
緣堦籜走秋聲細  
裊鼎香飄瑞靄紛  
今日身行圖畫裏  
六塵幻有等浮雲

南苑新衙門行宮即事

南苑重來羽騎馳  
離宮未御已經時  
新詩消遣閒中興  
舊學商量靜裏知  
花笑迎人誇得意  
鳥吟為我話相思  
留連不是耽風景  
却惜年華暗轉移

四月望後雨澤未足  
朕憂心如焚臣工頗有以春  
雨既足尚可無憂者  
然而無以釋朕懷也  
越五月

丙寅雨澤既霑命駕進宮見路旁如雲而有秋者  
麥田也如油而茂夏者晚稼也乃快然以喜則知  
朕前此之憂不徒憂矣既以成詩爰命臣工和之  
望漢瞻雲子夜中恩膏忽沛仰鴻濛怡欣渥澤能蘇槁  
肯信浮詞為省躬輦度麥圻黃幕幕盼迴黍壠綠芄芃  
薰風稍解吾民愠後樂先憂此意同

夏日奉

皇太后幸靜明園

雨後園林景物閒六龍時幸奉

慈顏花迎步輦饒生意峰入窓櫺濯宿髮隔院疎鐘偏  
得得會心好鳥亦關關親承

色笑忘煩暑多少歡欣柳外還

登靜明園古華嚴寺

雨餘曉岫矗新青幾暇時臨翠輦停為謁空王瞻月相  
却教飛蓋傍雲扃風鈴常轉蓮花藏貝葉閒披金字經  
試問奏章陳積否隔林行漏已泠泠

雨後剪園中新蔬敬獻

皇太后謹成一律

夏畦雨足綠菲菲  
萐茁如酥韭葉肥  
為驗農桑臨別苑  
藉方菽水奉

慈闈盤盛烟甲先  
秋冷手剪香芽滴  
露稀生意靜觀欣  
自得還思發育遍  
郊畿

初秋偶閒

幾餘贏得片時閒  
鏡澈波光黛染山  
風挾秋來偏拂袖

花因暑退亦開顏  
龍蟠戶牖松千尺  
琴響階除水一灣  
肯逐物華臨別苑  
徘徊獨立憶民艱

皇考實錄聖訓告成恭紀長律四首

儒臣橐筆久摩研

赫濯聲靈信史傳  
法則昭垂千萬禩

勤勞想見十三年  
誠孚度索懸幢地  
象應聯珠合璧天  
寶錄拜觀欽

陟降衷忱可勝凜  
水淵



實錄端惟實政書敢將繪藻飾空虛推車有賴賢全網  
折檻無煩芳早除敬凜盤銘

湯刻器試揮薰雅

舜垂裾紹

庭難繼勲華盛幾度沉吟味訪予

詎止刑清政亦清德威惟畏德明明列卿朝退宵書思  
野老春深晝課耕共仰

精勤周庶物可知

恩澤沛寰瀛趨

庭早識綏猷本一字書紳道在誠

音容五載隔雲天乍捧琅函淚湧泉

提命無能窺蕩蕩纘承有志矢乾乾  
萬年孫子欽堂構四海謳歌被管絃法

祖敬

天心不已千秋徽懿映瑤編

秋日侍

皇太后幸靜明園奉

聖母命敬成長律得佳字

翠羽金輿拂曉排離宮別館到秋佳野花隨

輦如春半行漏依人報午牌霜色風光凝早畢山容水  
態罨軒齋

慈顏悅豫陽和暖薄海同傾愛日懷

春池泛舟

一篙新漲漾波明蘸影金絲弄午晴不舍如斯觀妙道

載舟可譬察輿情湖山入畫迎人翠鳬雁當春得意鳴  
不是嬉遊廢宵旰每從物理驗生生

細雨

細雨廉纖勢正長清和膏澤被羣芳油雲出谷藏山色  
亂點飛空接水光萬頃黃添麥穗潤千畦綠重稻苗香  
宵衣對此增乾惕敢恃豐年樂阜康

靜明園即事

樹自青蔥花自妍青山當戶足雲烟遊因避暑常携卷

坐愛烹茶每就泉風度鐘聲來嶺外鳥啣果實落堦前  
乘閒更上西崖閣樂在桑郊稻壠邊

途次見西成有象喜而有作

暑雨祁寒苦怨咨金風玉露屆秋時最欣比櫛村村象  
恰向征途歷歷知場圃却聽耒耜亂響原田還看種多遺  
歲豐更切乾乾意肯為從禽志少移

要亭行宮晚坐

一川景物闢斜陽極目拈題興渺茫平野風寒吹稻黍

遠山日暮下牛羊  
笳聲幾處梅花落  
月色誰家秋思長  
更剪銀燭披奏牘  
憂勤那得暫時忘

秋山

秋山雨霽別穠纖  
觸目詩題逐便拈  
落葉風前自瀟灑  
野蔬霜後更清甜  
磧程遼濶行行遠  
樹色丹黃日日添  
射獵歸來迴望處  
紅霞猶遶數峰尖

重陽日喀喇河屯行宮侍

皇太后登逍遙樓

禕鞠雲凝瑞靄光離宮侍

輦值重陽檻臨平楚嵐烟淡窻入遙峰樹色蒼遠墅幾  
家荒柴閉小橋獨木野流長最欣度節邊關外也有黃  
花獻

壽觴

曉日

曉日光寒白露淒馬蹄藉草不沾泥炊烟細裊村帘外  
殘月猶懸嶺樹西塞上山川皆畫意途中風景盡詩題

楓林沙阪經行處不數蘇公十里堤

題瀛臺隨安室

隨安者取其隨所遇而安之義故凡勝地虛庭明窓  
淨几無不以是顏其軒蓋藉以觸目會心云耳

書室依林俯碧瀾文窓紗綠稱遐觀庭虛松栢泛清籟  
坐久衣裳生峭寒觸目有懷皆遠俗忘言何處不隨安  
爐烟晝永禽魚適長嘯一聲天地寬

曉行



濃淡雲容石笋尖馬蹄踏處綠纖纖曉來遠塢依微辨  
雪後輕寒料峭添未至賣錫思社鼓却饒沽酒認村帘  
行吟不為耽風景夾路桑麻取次覘

夜雨寄興

刻漏初催乙夜籌風聲漸息雨聲稠夢回行帳牽吟興  
想到公田喜澤流不必綠蕉聽淅淅却因黃幄思悠悠  
金吾漫苦征衫濕多少三農卜有秋

恭瞻

泰陵

聖德神功碑告成感成長句

貞珉萬古護雲烟拜覩

羹牆倍愴然

謨烈昭垂千百世

憂勤想見十三年慮周暑雨祁寒際澤溥山陬海澨邊

肯構無能繩

聖武捧盈長此矢乾乾

二月六日

二月六日涑水濱馬蹄踏雪無風塵瓦神社鼓儘隨俗  
柳葉杏花俱待春山色一鞭如送客鳥聲數哢解迎人  
蕨芽菜甲滿畦綠景物却羨山家新

夏日御園閒詠八首

幾暇登樓暢遠襟喜因南畝足甘霖松篁籟靜青含潤  
谿壑雲生翠欲沈魚唼花紅浮水面蝸盤蘚綠匝堦心  
篆凝金字澄懷永物理民情獨自斟

霽後園林夏似秋  
灩灩仙掌露華流  
溪聲滑笏添新漲  
山色疏眉入小樓  
疑有片雲生晚岫  
誰撐扁舫破烟洲  
晝長贏得清吟興  
不覺雞人報午籌

風槐烟柳綠成帷  
影度紗櫺午日遲  
暫向幾餘閒學草  
偶因吟罷亦敲碁  
曲池新漲分魚子  
碧宇高空放鶴兒  
最愛子西傳好句  
依稀山靜小年時

偶泛扁舟晚瀨明  
風搖蘆荻灑然清  
一天佳景誰為領  
幾個閒鷗自作盟  
山木無言偏得意  
野花有分亦敷榮

溪田愛看新秧茁綠水平疇正好耕

相風金鳳尾當南綠滿文窓生意含晝永花香醺似醉  
雨收天色碧於藍行看魚鳥閒來適坐擁詩書靜裏耽  
日暮池邊還徙倚一鉤新月鏡中涵

清暉閣畔幾株松著雨虬枝綠更濃每愛濤聲吹謾謾  
常看葢影蔭重重軒窓靜對含朝爽烏鵲歸飛帶夕春  
陸葉山華紛闔豔堅貞只擬待三冬

壺天佳景入窓紗翠幄千層襯彩霞林壑盡圖疑伯虎

池塘鼓吹奏官蛙  
天光雲影供詩料  
鳥語花香長道芽  
詎樂蕭閒弛乾惕  
憂心時切萬民家

綠潤紅澆景倍新  
尋常行處草鋪茵  
鳥鵲花片驚眠蝶  
魚傍蒲根避釣人  
漫擬閒情吟九夏  
那堪憂思度三春  
公田雨足心差慰  
生物從知天地仁

喜晴

挈壺蓮漏百花中  
殿角微傳朱雀風

陶朱公書朱雀風主晴

千畝

正含膏澤潤羣芳  
猶喜曉陽烘梳翎  
鶴立懸崖翠啞浪

魚隨落瓣紅身在九重心部屋較晴量雨一般同

曝書

斐几水懨晝曝書古香馥馥透文疏難逢爽籟吹長夏  
肯使青緇飽白魚謾擬閒情賦鉛槧憑將結習驗居諸  
阮家竿布非吾事試展陳編若起予

食荔支有感

炎州佳種號離支巴峽瀘戎未足奇色寫天霞連顆綴  
影留閩月帶根移閩中歲進荔支多連樹本鮮摘色味絕佳酪漿雪質無能

比玉管雲箋有所思夢裏不知身是夢還如

賜食寢門時

七夕後一日立秋

碧桐珠露共徘徊無那丁丁玉漏催白帝今朝傳令至  
黃姑昨夜帶秋來蟬聲似讓蛩聲急月影依然鏡影開  
底事人間兒女子蛛絲棕盒正相猜

青龍橋曉行二首

屏山積翠水澄潭颯沓衣襟爽氣含夾岸垂楊看綠褪



映波晚蓼正紅酣風來谷口溪鳴瑟雨過河源天蔚藍  
十里稻畦秋早熟分明畫裏小江南

獵獵金颿盪綠旂迎涼輦上露華流橫橋雁齒迴朱舫  
遠浦蘭苕起白鷗禾黍香中千頃翠梧桐風裏十分秋  
凭輿喜動豐年咏却憶三春午夜憂

野景

林野蕭疎曉氣寒金風過處草聲乾天高雲影留微縷  
水落紗紋作淺瀾雁字寫殘青漢迥馬聲嘶斷綠臯寬

分明去歲邊關景只少楓黃與槲丹

心遠閣秋眺

松栢青青槐柳黃登高把菊作重陽

時九月  
初六日

卧楹寫霧

軒窓迥飛觀圖雲翰墨香簷鐸風聲傳梵唄稻畦秋景  
貌江鄉吟餘試看前春句樹影依然上粉牆

今年直隸秋收倍常憑輿有喜因示接駕衆官

撫字心勞我爾同西成欣閱異車攻應籌教化緣加富

莫弛憂勤恃屢豐路不拾遺非郅治

路不拾遺美政也  
而有偽為者故云

野多滯穗始淳風清時詎貴催科巧休養還期盡乃東  
曉行

秋日懸清麗太虛鳴鞭颯爽拂衣裾野花綴露溶溶潤  
村樹經風漸漸疎人指青帘尋酒貫鳥銜翠羽帶烟梳  
詩成不用奚囊記付與橫空雁字書

落葉詩六首

落葉因風不自由故枝好在恨難留傍崖已分填黃土  
臨水何妨付碧流笛裏江城梅五月琴中沙浦雁三秋

人間別有傷心處逐客離妻一樣愁

綠褪紅稀綠更紅當前幻色總成空生憎雜沓來飛鳥  
真惜飄零類轉蓬桂父謾誇歌絳雪桃娘直欲嫁西風  
輸他松栢丰標在獨立青蔥晚籟中

逐霜含吹本無心古寺空庭趣轉深月下半床還訝雪  
風前一樹不成陰獨憐辭榦驚烏寐詎類迷叢有蝶尋  
陸賦陶詩批點過千秋誰是最知音

吹萬寥刁越樣殊千林隕籜只斯須即空即色叅生滅

是耶非耶若有無

用漢武帝落葉哀蟬事

夢入華亭同怨鶴歌傳

夏口類栖鳥憑誰倩得荆關筆寫向疏峰四五株

金飈玉律近如何拂柳飄梧力轉多光逗一林湘渚月

影搖千里洞庭波芳心已盡思前蘂生意無能續舊柯

蠟炬春蠶差比似黃姑誰道隔銀河

無情殘卉却知秋最動騷人感賦愁詎擬推輪生大輅

果然落葉起龍舟

見宋史樂志

幘頭自是誇倪范洞口何能

致阮劉莫認釋迦拈不起由來天地一浮漚

登盤山作

金根遙指碧雲隈  
磴路林扉迤邐開  
石裏流泉聞不見  
烟中飛鳥去還來  
南臨薊野耕桑富  
北枕盧龍關塞恢  
詎比登封誇豫大  
每思山木毓良材

冬日瀛臺即事二首

禁城雞樹曉烟凝  
谿壑天然偶眺登  
積素墜枝全作雨  
懸流落澗半成冰  
丹樓翥鳳三洲外  
玉殿疏龍五色層  
淮浦災餘籌卒歲  
肯因清晏釋心憑

馭娑青驄踏玉華鏡中軒閣列仙家步來梅圃疑新畫  
坐久冰床當小艇屈戌祥風浮篆細綳毳晴靄入簾斜  
天心來復誰知覺有脚陽春已動葭

正月初十日立春

青帝重閨當曉開銀蜍朱鳥共徘徊簪來勝綵三朝復  
數盡階蓂十葉纔豐澤摘辛堆玉簋

慈寧獻壽捧金杯漫言閨月遲時令試看韶華衮衮來  
建福宮新春二首

禁城景物報和韶初轉寅方玉斗杓漏洩春光梅破蕾  
招搖風信柳拖條池心鏡面冰將解墻角銀根雪欲消  
振撥詩腸量多少新年覺比舊年饒

照壁熊光燦九華祥烟濃作赤城霞土牛新看牽春至  
綵燕初飛掠曉斜臘雪猶然戀鴛瓦東風全不發綾花  
願將建福宮中福錫與寰區萬姓家

御園仲春二首

柳塘靄靄曳烟梢竹埭森森突筍勺新水蔚藍魚涉凍



遠林縹綠鵲營巢無邊生意歸芳甸有象清明繪野郊  
小閣攤書玩周易體乾時復九三爻

春寫園林燦綺窓流澌已解漱琤璫養花天氣遲蓮漏  
擘柳風光裊羽幢別院漫催排宴賞甫田旋念肇耕耜  
幾餘只有詩消日篆炷蛟爐燄吐釭

詣

暢春園問安

鏡面湖光淡池春雲容山態已宜人鳥旂魚頡清明候

鸞影猊烟長樂晨遲日有心徐入座軟風無力不生塵  
瑤池信可瞻

王母一棹蘭舟達玉津

春日泛舟過北遠山村二首

山容染黛水澄泓面面江村畫意迎遲日暖烟臨上已  
輕陰微雨釀清明沿堤草色無中有拍岸波光坐裏行  
最愛鱗塍方脈起扶犁叱犢一聲聲

榆火村酥野塢邊物含春意也嬋娟疎峰罨幕挑蒸綺

遠浦迷離雨作烟  
手卷畫中開別業  
水車聲裏過前川  
敲詩饒有廛農意  
不是尋花問柳船

春日同誠親王和親王遊宴御園作

雨歇芳林萬綺紛  
緣溪紅映碧波文  
欣浮桂舫同追景  
何異芸齋共樂羣  
百和濃香熏艷卉  
數峰輕縷帶歸雲  
今年膏澤叨靈貺  
敢懈祈年夙夜勤

聽唐侃彈琴

仙籟琴名平張梧几橫  
澄心試聽指絃聲  
古風猶見巢兮

燧哇律都刪琶與箏蟠蓋幾株吟韻謾垂虹百尺掛川  
晴愧予未解南熏愠領取春溫和且平

初夏靜明園

法海

寺名

東頭西海西湖山佳處似蘇堤雲中古寺紅遮

樹雨後新苔綠滿蹊愛看黍疇牛撥壠儘教松棟燕銜  
泥倦遊得句鳴歸櫂一帶橫塘烟水迷

柳絮五首

綠雲紅雨日逡巡又見楊花點玉津未譜豳風歌七月

却看北地殿三春紛如道韞詩中雪污比元規扇上塵  
每對清和賦雲漢長空宛轉越愁人

泂塘回首憶生稊倏忽輕棉黯欲迷試看逐風真蕩爾  
可知辭榦渺愁兮烟中絲裊宋家殿浪裏鶯流蘇氏堤  
誰似參寥游物外禪心灰盡喻沾泥

簇砌鋪阿色似霜從知駒影迅堂堂披裘無邨王恭老  
泣路應憐阮籍狂灑宇飄飄迷蝶舞入池喁喁惹魚忙  
花天月地粘還滯白白紅紅兩不妨

簾櫳亂撲恁雰霏王謝應勞麈尾揮瓦雀半鵲書案膩  
河豚欲上玉刀肥團風湘浦疑柑點映月秦樓訝雪飛  
獨有村民思麥雨好將迷谷擬天衣

春回南國恨何窮別緒離情滿碧空未必猖狂如浪子  
每看搖落讓雄風下幃雅稱觀周易縛帚應須命越童  
不似武陵源畔樹粼波餘得一溪紅

立夏

習習薰風拂面來南訛平秩驗恢台輕棉脫盡人眠柳

規葉圓成鼠耳槐花裏遊蜂衝雨去溪邊狎鷺度雲迴  
黍疇麥隴皆需澤誰管韶華暗已催

讀資治通鑑綱目

低押湘簾綠影斑時披青簡度幾閒千秋不盡興亡故  
一念惟爭敬肆間功繼麟經誰復並文如遷史尚須刪  
獨予鑑古心恒惕俗慮塵緣未許攀

御門日雨二首

夜聽滲瀝滴井桐連朝膏雨沐

皇穹二年蘇澤差如願萬國關心敢息躬望去長空霏  
霖霖歡來大地解蟲蟲常人漫苦巾車漬後樂先憂爾  
我同

明旦乾乾凜亦臨憂從春杪到而今已欣若藥瘳時疾  
信是為霖沃朕心柳外亂珠隨浪濺簷間細溜帶烟斟  
侍臣莫擬張韓賦齊鄭猶然待澤深

香山示青崖和尚

峰含宿潤黛螺新一脉曹溪試問津  
憇彼來青之梵室



對茲衣紫者山人却欣觸目皆無滓不必談玄始遠塵  
坐久蘭烟消篆字禽聲樹色總天真

棲雲樓二首

爲愛巉巖架木居風潭清泚朗吟餘泉聲入聽淙苔砌  
山色迎眸罨綺疏性癖烟霞聊復爾心依谿壑偶相於  
晚來松棟歸雲罨不遣微鱗皴太虛

峰圍堂背竹捎簷雨後新竿幾個添佳景自然來座席  
宿雲時復潤階簾粥魚齋鼓尋常聽樹色山容取次拈

更喜麥疇青意好千家餅餌望中炊

題瀛臺舊書舍

精舍遙看渚嶼連依然書帶綠窓前那無逸興如今日  
剩有殘題憶昔年樹色溪光成靜賞花香鳥語絕塵緣  
旋臨勤政咨時務郅理遲登媿古賢

六月十九日立秋

只道光陰遇閏留却緣遇閏迅如流炎官後陣猶騰熾  
是日白帝頭銜已報秋蛩語漸從朝露絮蟬聲多向晚  
熱

風收司天謾進豐年驗

每逢節候欽天監占風以奏

未至西成詎解

憂

七月初八日因往盛京叩謁

祖陵恭奉

皇太后始發圓明園作

虞采綏旌次第排金風湊爽滿天佳王途于邁高秋淨  
帳殿承歡

愛日諧望裏關東多王氣行經塞北暢清懷綿綿寶穡

秋成近觸撥吾惊詎有涯

關外山田

關外山田盡作梯漠南風景似江西  
水流野澗全無釣谷轉荒村別有蹊  
樂事食瓜兼剝棗生涯炊黍更蒸藜  
百年赤子經休養物土耕桑六合齊

楓二首

乍見新紅三五枝停鞭還為立移時  
吟丹自我償詩債

近作有楓林櫛阪遲詩約  
塞上重吟一片丹之句

突綠看伊入畫姿松栢有心

原共秀李桃無色敢爭奇千秋知己應誰是只有司勳  
杜牧之

匪同烏鵲嘆無枝一例寒林却耐時絕勝衰楊翻葉態  
還如老菊傲霜姿嫣紅不數江花好頰紫唯應塞樹奇  
自是山靈儀衛肅樵蘇誰得斧斯之

詠楓再疊前韻二首

朔地依然越鳥枝恍如霜落洞庭時滑稽重憶吳江句  
衰謝誰知漢苑姿百歲為人應是幻千年成虎已標奇

丹青天巧能渲染不藉名工顧愷之  
最喜重吟絳雪枝酣紅猶讓昔年時詎因改綠訾無節  
却為施朱發妙姿平抹如看霞外影常醅似飲米中奇  
千林秋色知多少欲向山靈一問之

野村二首

野村臨水復依山鹿柴蝸居鎮日閒婦女溪頭浣衣出  
兒童牛背唱歌還年年黍壠常遺種夜夜柴扉不掩關  
更喜秋來羊酪美筍成新釀共酤顏

河橋迤邐接旗亭八月霜遲草色青  
黍圃荳場今樂土  
黃沙白骨古嚴垆看餘畫幘何曾捲  
興至吟鞭輒為停  
試問從來小隱客幾人不負草堂靈

秋菟雜記詩五首

歲長九月有青蕪共道常年似此無

盛京早寒今歲過  
閏猶暖誠異事也

霧斂馬頭山逼面霜凝谷口樹粘鬚  
射熊何慮先升木  
待兔焉勞更守株  
赳赳羽林羣命中  
詎談却笑紀昌弧  
長白遙看數點青  
雞翹五色韻旗鈴  
騰驤八駿來天廐

環拱羣峰據地靈黃艷鵝兒新剪褶綠輝孔雀側拖翎  
朝家武備千秋獨太僕空傳效展軫

峰標木葉鬱崔嵬水漲松花淨沲洄萬騎雲屯隨豹尾  
三秋風景異龍堆周詩底用誇麋友晉賦無勞藉雉媒  
更剪銀燭吟七字屬車賡和有鄒枚

連雲峰影自婆娑雨後新看矗黛螺黃幄背風依樹障  
朱旄面日出巖阿合圍麋鹿愁飛羽出隊狐狸駭獵獬  
薄暮旌門鐃吹奏海青雲裏捉天鵝

曲名旌門鼓  
吹常奏此



虎韞駢弓越勁秋平岡草淺騁驊騮雁行狗監牽絲鞚  
馬上鷹師臂繡鞬風漾鈴聲金替戾雪開峰面玉雕鏤  
批麻丙夜斟民事詎為從禽暫解憂

望葉赫舊墟敬惟我

太祖高皇帝以十三戎甲奮迹於此復讐服衆遂成王  
業謹賦其事以示來許

寒盟由彼義何甘甲士當時祇十三自是

天心歆

日角幾曾虎旅藉犀函折衝底用稱韓信決策無須聽  
耿弇

創業艱辛千古獨垂衣敢恃面臨南

御崇政殿

碧海瞳矐曉日昇金猊風靜瑞烟騰元孫黼辰茲重御  
列祖威靈實式憑

六世繼繩惟敬畏百年含煦被黎蒸守成開創何難易  
只有憂勤與日增

十月朔日宴宗室羣臣於故宮

曈曨海旭麗銀鋪宴擬橫汾湛露濡舞馬不須誇紫燕  
煎沉常自裊金鳧有椒共慶如茲盛無酒何妨謂我酤  
更喜皇州頒歲朔小陽春律正昭蘇

夷齊廟

盧龍孤竹城夷齊廟在焉史稱夷齊耻食周粟餓死  
首陽詩云采苓采苓首陽之顛疏謂在河南蒲坂而  
莊子則曰首陽山在岐山西北曹大家云在隴西元

和郡國志謂首陽山在河南偃師說文又謂在遼西  
則是首陽凡五各有證據而其為夷齊餓死之處則  
一也將孰之從惟遼史所載營州隣海軍下刺史本  
商孤竹國今之盧龍即遼營州地也爾雅所舉孤竹  
北戶注謂孤竹在北周時幅員不廣其以此處為極  
北固宜然則說文所謂首陽山在遼西者此為近之  
殆以詩在唐風而叩馬而諫當武王伐紂之時由是  
岐隴蒲偃皆附會其說耳夫夷齊清風在天下何處

非首陽豈爭疆域乎冕旒而墨胎以祀者尤非其志  
因係以詩而考其說如此

軒冕泥塗是本腸肯容儒雅污冠裳薇苓依舊西山岵  
頑懦羞登夫子堂只為心慙蹤異武敢將口實罪歸湯  
豈爭隴右還蒲左天下清風盡首陽

將至京作

曠曠晴旭麗華旗展謁回鑾奉

聖慈樂奏上回多喜意禮將長至肅親祠田逢秋有酬

農苦人覺途遙嫌馬遲三月徂東異三載孔嘉新舊乃  
如之

詠爆竹

軋軋平原凍草萌却教非夏以雷鳴春從和朗聲中報  
人在吉祥烟裏行仙木駢羅增氣色飛靈借助散瑤瓊  
東皇鼓吹連宵發百福昌昌入鳳城

新春恭奉

皇太后駕幸圓明園二首

柳眼花心各待春，傳言青帝駕青輪。  
香霏寒圃飄金粉，色轉晴絲惹麴塵。  
最愛風光迎午夜，却離宮闕未由旬。  
庾信詩注支僧載外國事由旬者晉言四十里也

玉溝凍解琉璃滑，恰與陽和

布澤勻

誰道仙家別有京，依依

愛日永蓬瀛。鳴春鳥擇昌條語，畫水魚穿嫩藻行。  
炬為迎蟾蓮萬朶，梅因餞臘玉千莖。芳年合有新詩咏物物，  
春臺總向榮。

春曉

輕寒覺透薄羅帷  
寂寂琴齋春曉時  
半榻清閒聊復爾  
一天韶麗付伊誰  
禽聲不辨間關語  
花色纔添四五枝  
我是宵衣籌治者  
那能高枕鎮吟詩

二月二十二日清明

花昌鳥聒日逡巡  
誰寫韶光一例勻  
二月已過三月節  
三分却判二分春  
綠雲罨柳斜臨岼  
紅雨霏桃暗洗塵  
嫩酪新烟都負也  
只餘憂緒入懷頻



午日詣

暢春園問安

蒲岸荷洲泛玉津

銅龍雙闕問安晨祗因憫雨遵

慈訓未敢稱觴答令辰

自春徂夏尚未得霑足雨澤  
皇太后步禱於園內龍神廟

朕恐懼惴惴莫知所措夫以朕之不德上累  
母憂勞遑敢以節序酒食之饌盡承歡之小節乎

聖  
黃

帽龍舟閒浦淑綠枝虎艾綴楣振分明舊歲端陽景饒  
有新愁薄念頻

甘霖既霑詣

暢春園問安仰慰

聖母望歲之誠并成長句恭誌

盛德

自古祈年厯陛廷幾曾

步禱見慈寧承歡滋愧心無那破悶真知雨有靈

膝下先陳多忝潤階前更喜散萱馨稱觴始得申衷悃

遙指南山入座青

清音齋

曠宇徘徊獨暢情耳謀目觀兩無營山如淨體無餘淨  
泉是清音中最清竹裏數篇依籟讀溪邊孤艇破烟撐  
近來稍得愁眉解露色風光卜順成

荔支至頒賜朝臣因而有感

閩中佳實秋前到相對年年有所思酬節祇供  
原廟薦承恩非復

寢門時飛來嶺外炎風送斜倚欄邊揭露垂料得擎歸

舊鴛侶幾多歡喜幾多悲

九日登高

性與秋光自覺諳登高此日暢幽探荷衣已破無從補  
楓頰纔紅尚未酣恰好得詩教鴈寫不須摘菊倩人簪  
晚來靜坐寒窓下即景頻頻惕九三

是日為乾隆九年九月九日云

天成寺撫觀乾隆七年遊盤山記因而有作

虛窓曰啓曉霞流人在層巖最上頭詩句偶拈今日暇  
風光宛似昔年秋泉淙澗底琴音寫峰倚天邊畫景收

獨撫穹碑參結習轉教心恧重來遊

幸翰林院錫宴賦詩復得七律四首并示諸臣

歡騰芸署小陽春此日崇文引席珍  
顧我慚為房杜主豈伊獨數馬鄒臣  
石渠典故應增舊壁宿光華更覩新  
影麗花磚爭到八儘教霑醉酒三巡

瑞旭瞳朧靄扇鸞筵開翰墨會衣冠  
五車四庫從來紀劉井柯亭取次看  
玉版揮毫盈鳳沼花資賜茗擘龍團  
濟川自古資州楫便欲因尋學海瀾

昌辰天祿集鵷聯欣詠斯千小雅篇鳥革翬飛躋君子  
誦詩講易共高賢光凝黼座垂華藻篆繞猊爐散瑞烟  
咫尺玉堂清切地底誇瀛島說登仙

百年禮樂慶昭融保泰常持惕若衷漫以新詩鳴豫大  
誰將忠告贊欽崇傳巖夢賚應無藉唐室賡歌訝許同  
心喜百僚知我意不將高議詡升中

按唐書張說倡封  
禪議帝召說與禮

官學士置酒集仙殿云云故其時諸臣詩中有高議待  
升中及將陪玉檢泥之句夫以崇儒之雅舉隱遂滿盈  
之私志非朕所取惟有兢兢業業與  
日俱長頌不如規我君臣其共勉之

清秘堂偶題

崇文稽古豈虛名翰苑維新此落成  
羣彥數過十八會  
小春暖湊一天晴  
冬池淡沲猶澄鑑  
夏屋徘徊獨暢情  
盆菊無言應有意  
自慙疎散也登瀛

十月二十七日幸翰林院賜大學士及翰林等宴  
因便閱貢院乃知雲路鵬程誠不易易也得詩  
四首

翰苑瓊筵酌令辰  
棘闈來閱鳳城闈  
百年士氣經培養

寸晷簷風實苦辛自古曾聞觀國彥從今不薄讀書人  
白駒翮羽傳周雅佐我休明四海春

盡道文章接上台菁莪樂育濟時才千秋得失非虛也  
咫尺雲泥亦幻哉若有淚眶啼桂落那無笑口對花開  
鳳池多少簪毫者都向龍門燒尾來

萬里扶搖正翮搏飛龍利見豈為干志賢聖志應須立  
言孔孟言大是難見說經綸推國士從來桃李屬春官  
但令姓氏朱衣點那惜三條淚燭殘



周遭園棘院沉沉景物當前總入吟材擬圭璋方特達  
文歸雅正薄艱深禹門魚變辭凡水喬木鶯遷出故林  
寄語至公堂裏客莫教冰鑑負初心

雪

迎年臘雪曉霏霏雪色年光麗瑣闥二麥早占香餅餌  
九天真是灑珠璣龍樓作隊銀龍舞鳳閣來巢玉鳳飛  
底少絃歌娛宴暇心殷省歲勅惟幾

皇清文穎卷首二十三